

柳州府志卷之十二

物產

昔秦皇利粵之犀象珠璣因畧取陸梁地為桂林等郡柳即桂屬也夫物豈必以粵產貴乃窮兵黷武而取之今柳別無所為珍竒玩好足以怡悅耳目者亦可見昔人雄心肆志好大喜功之所在而不係乎物也顧以為玩物之需則示可以為博物之助則無不可蓋禹貢職方各載其州域之所產與風土之所宜宣尼已尊之為經至於山經爾雅

柳州府志

卷之十二

物產

一

草木蟲魚靡不備志以廣聞見柳雖無新奇可喜之物而羽毛華實有裨於考覈者亦所不乏倘遇物而莫能名儒者當引為己恥矣志物產

穀屬

秔稻各種俱稱禾詩十月納禾稼是也有六月禾七月木八月禾及晚禾等名惟馬平數種皆備夏秋間雨水均調則大熟至晚禾各州縣俱有之又來賓縣禾細而長結實甚堅與他處頗異粘稻俗稱粘禾有紅粘白粘早粘晚粘之分象州

出者佳五月種九月熟又豬米象州出種植易生
亦有紅白二種八月實者曰早粘九月實者曰晚
粘久食疲民俗俱以養畜
粟爾雅云江東呼為粢北人呼為小米有鮮糯二
種

產似黍而穗異生三四岐若手指然以耐旱故高
亢之地多種之

苧禾米各屬出

高粱莖高五六尺如蔗實黑色可釀酒

柳州府志

卷之十二

物產

二

麥有大麥小麥二種各州縣間有種者又有喬麥
俗名三角麥八九月播種一年可得兩收

菽大豆也有紅黑子種又有菘豆豌豆皂角豆龍
爪豆虎班豆等名又象州有夏菘豆以三月種而

五月熟有秋菘豆七月種而九月熟

芝蔴即胡蔴柳城出者佳有黑白黃三種

蔬屬

黃芽菜其種來自安肅官齋間有種者較之北方
其味大減亦地氣使然也

白菜味佳而菜傭恒隔宿浸水以求售殊失其正
芥菜有二種一大葉芥味淡似白菜一花邊芥稍
辣冬月即有之芥子為末頗辛
薹菜俗名油菜子可壓油又名薹心菜八九月
間即採食之至正二月乃已孫思邈曰搗貼丹毒
隨手即消其効如神

菠薐菜俗名菠菜

甕菜羣芳譜云幹如蔓空其中葉似菠薐開白花
南人編葦種水中陸種者宜溫地畏霜雪九月藏

柳州府志

卷之十二

物產

三

窖中三四月取出雍土逐節生芽一本可成一畦
又名薤能解治葛毒

甜菜味香一名鴨脚艾可治瘡

生菜形似萵苣摘葉賣之無成株者

萵苣以生菜而葉尖

苦蕒即芑能解虫毒

藤菜一名紫果又名紫豆其葉可啖東坡詩云可
以敵蓴羹

莧菜有青紫二種冬日生者曰冬莧

蓬蒿一名茼蒿以滾湯煮之乃有味
茄隋煬帝名為崑崙紫瓜又有白色者為銀茄黃
山谷詩云珍蔬長蒂色勝銀南方草木狀云交廣
草木經冬不衰故蔬圃之中種茄有宿根至三四
年者漸長枝榦成樹高六七尺其根燒灰可以煨
香
白蘿蔔味甘可治酒麵毒
蒼蓬菜味甘以汁洗衣能令潔白
蕨菜葉初生擎起如拳可食又取以作粉

柳州府志 卷之十二

物產

四

艾菜有大艾鷄脚艾二種按入藥者多用蘄艾蒙
荃發明並以野艾為真蘄艾雖香實非真艾
芥藍葉厚藍色
紫背葉背紫面綠
絡麻小葉藍色可食皮可作繩
椿芽採椿樹嫩芽以鹽漬之味佳
豆芽以筐載豆水淋三四日發芽以充饌有黃豆
菜豆二種
黃連芽從樹上摘之

枸杞芽一名鷄骨菜

筍有甘苦二種惟三月間有蒲竹及筋竹筍以鹽滾水煮之用火烘乾味亞天目五月中有牛角筍其味苦

芋一名蹲鴟各州縣出而融產獨多

山薯一名玉延即山藥也有紅黃二種又番薯可生食又一種名薯良形如柚子蔓生以之浸酒色微紅其香味久而不變粵人搗其汁染衣利暑熱香蕈融縣出者佳

柳州府志

卷之十二

物產

五

木耳即卷耳或曰苓耳又名石耳

茭白種水中葉細而長秋間採之

韭生最早冬十月間即有之

藟

音叫

頭即薤也葉似韭而中空根如蒜其葉光滑

露亦難存故名薤露

芹本草芹有兩種荻芹取根白色赤芹取莖葉堪菹

葱有二種胡葱長收實隨時種之土葱短經年採用不絕又有油葱婦人取以澤髮不可食

蒜有胡蒜大蒜小蒜三種
薑出象州東鄉里融縣亦多種之
芫荽即胡荽味辛又名香菜
辣椒味辛辣生食之可消水氣解瘴毒又取以作
醬每日生服三錢治痔大有神効
扁豆有紅白二種其藤經冬不枯至春初復於宿
藤開花二三月間即結實
長豆筴亦有宿藤生者春時即可食
刀豆生漬以鹽或醬食之

瓜屬

王瓜以先諸瓜而生故稱王性涼可止渴
絲瓜有長至二尺餘者
菜瓜有青白二種長者二尺許俗稱羊角瓜
冬瓜有青皮白皮二種
苦瓜味苦解暑熱
南瓜一名番瓜有大至二十餘斤者又名飯瓜以
其可代飯也
西瓜融縣產者佳

香瓜即甜瓜

葫蘆有長柄細腰二種

瓠即匏也詩曰八月斷壺註壺瓠也俗誤以為葫

蘆

果屬

荔枝樹高或數丈葉似桂而大冬夏青茂開白花其類有二有四月熟者有五月熟者雖差小於粵東而風味自勝東坡詩云海山仙人絳羅襦紅紗中單白玉膚二語摹寫殆絕

柳州府志

卷之十二

物產

七

龍眼枝葉差小於荔枝殼青黃色形圓肉白其甘如蜜一朶五六十顆作穗如葡萄然荔枝過則龍眼熟故號荔枝奴蘓東坡曰閩粵人高荔枝而下龍眼吾為平之荔枝如食蚌蝓大蠲斫雪流膏一噉可飽龍眼如食彭越石蠃嚼嚙久之了無所得然酒闌口爽饜飽之餘則啞啄之味石蠃有時勝蚌蝓也此語足為荔枝解嘲

柑子馬平出

柚子其釀有紅白二種

橄欖一名餘柑子羅城出

蜜桶似柑而結實厚有重至觔餘者

橘有火燄金蜜繡四種各州縣出

橙似柑而畧長色紅味甘杜子美云霜橙壓香橘

佛手柑融縣馬平出

香櫞異物志云浸汁浣葛紵勝於酸漿

黃皮菓如練子及小棗而味畧酸

羊桃俗名五斂子瓣五出如田家碌碡狀以蜜漬之甘酸而美

柳州府志 卷之十二 物產

八

梅各州縣出按北戶錄云嶺南之梅小於江左居人採之雜以朱槿花和鹽曝之其色為槿花所染鮮妍悅目

桃有四月七月二種各隨時結居民生採之熟則多蛀

李象州出者味甜美

石榴有紅白二種又有四季榴四季皆實小不堪食

枇杷又名盧橘色青味酸以灰水漬之則黃

芭蕉于心抽一莖叢生一二十筴形如皂筴而三稜剖之肉爛而甘

梨出懷遠者佳與萊菔相間收藏即不爛

按邑志云懷遠土產以梨著名雖粗者或重一觔以上而早摘則味酸至七八月則為蜂蟲所食包裹不固十不存一每歲官採買皆以鹽換而採梨之家封梨摘梨有供給之費民受累矣縣官買之以獻上司則又有買價之費有解運之費官受累矣且每年封禁不許他買以致民

柳州府志

卷之十一

物產

九

怨沸騰至今砍伐過半恐不數年間將為烏有

先生所食盡也

舊志

櫻桃一名含桃味多酸

楊梅按北戶錄名杔子

葡萄有青紫水晶三種又有野葡萄子不可食

棗有大白小白二種

林檎色黃白形似小石榴而中虛食之香脆中有軟核

葶薺爾雅翼曰鳧花生於田中苗似龍鬚而細其

根即實也皮紫黑色肉白味甘馬平穿山鎮出如龍眼核大

栗懷遠縣出又有似栗而小者曰錐栗

柿結實小而子多其治腸紅功效則一

蔗柳城出者佳取其汁用鐺煎之名柳糖浸酒服之可滌痰

藕四季有之而味頗淡

蓮子俗名蓮蓬而味亦淡

菱有青紅二種葉似荇引紫莖結實兩角曰菱三

柳州府志

卷之十二

物產

十

角四角曰芰又菱花隨月而轉如葵之向日

芡實即鷄頭先實後花夜開晝含

茨菰味甘微辛解諸毒

無花果一名優曇鉢方輿志云廣西優曇鉢不花而實狀如枇杷

蘘荷俗呼為甘露子根如蠶蛹莖葉如薄荷能治蠱味極甘脆柳子厚任柳時種此有詩

竹屬

筋竹長可二丈許圍則數寸至堅利可為矛凡竹

俱叢生詩云如竹苞矣是也筋竹獨散列與江浙竹同其筍甜可啖

斗竹馬平出

蕩竹虞衡志云葉大且密畧似蘆葦

紫竹紫色可愛又有黃竹白竹俱以竹之顏色稱之

馬蹄竹葉大二指許節有鬚類龍鬚質堅實

刺竹嶺表錄異云南土有刺竹板上有刺南人呼為刺勒自根黃生板條輾轉如織雖野火焚燒只

掩細枝嫵葉至春叢生轉復牢密土人種刺竹為墻人不能入酉陽雜俎以為棘竹或曰笆竹

釣絲竹虞衡志云類蕩竹枝極柔弱臨風如細柳筋竹節密肉厚按禹貢云細者為篠

苦竹節疎體勁可代槍戟

桃枝竹一名櫻竹又稱觀音竹虞衡志云生石上葉如小櫻櫚人以大者為杖

桃榔竹一名大頭竹懷遠出

丹竹各州縣出高四五丈圍二尺許節濶葉大狀

如甘竹皮赤

筍竹葉細節疎可為篋以織器

班竹一名湘妃竹象州出有大至一圍者羅城出
蘆竹易生而不堅實以之作篷又稱篷竹融縣象
州俱有之

木屬

松有三鬣五鬣者花後有實如粉其色嫩黃可啖
柏有圓柏扁柏刺柏三種性堅緻有脂而香
椿有香臭二種其香椿芽可入饌

柳州府志

卷之十二

物產

十二

楓木類白楊而脂澤香潤即芸香也又稱楓木香
俗採葉以染飯

樟樹大而花香如紫荊其性堅韌居民恒取以造
船雖行沙石上無損

檀有黃白紫三種樹葉皆似荔枝皮色潤澤而香
按紫檀出馬平之五都亦不多產

桐各州縣出有雞桐水桐二種

楮即穀也其實入藥皮可為紙

楠俗稱水楠木色微黃各州縣有之□城□城出者

大可合抱

柘不可為弓幹詩曰其屨其柘是也又古今註云柘實曰佳言佳鳥性所食也

桑葉以飼蠶其實為葚可入藥

檉河柳也似楊赤色爾雅翼天將雨檉先起氣應之故又名雨師

長生木載馬平維容二志詢之士人竟無知者

柳語稱瘴鄉無柳柳子厚任柳時曾種之有柳州柳太守種柳柳江邊之句今江邊砍伐殆盡而陂

柳州府志 卷之十二

物產

十三

池水榭間有存者

槐葉細花黃可染色

榕有二種細葉者結實紫大葉者結實黃南方草木狀云葉如木麻實如冬青樹幹拳屈枝條繁密如藤下垂梢漸入地便生根節或大株有根四五處而橫枝及鄰樹即連理南人以為常不謂之端棟木高丈餘葉密如槐而尖三四月開花紅紫色子可浣衣

木棉一名吉貝樹極高大春初開紅花大如盃三

四月結包如皂筴內有棉可絮茵褥又名瓊枝樹
雜容出

黃楊融縣出按酉陽雜俎云凡取此木必以陰晦
夜無一星伐之則不裂郡人取以為枕

烏柏冬結白實可以壓油俗名木油果

荆有三種金荆可作枕即黃荆也取為箸解飲食
毒一云宜以藤為之第用荆木則否紫荆可作牀
白荆可作履與他處牡荆蔓荆全異

桃榔木似栟櫚其內有粉如麵大者可至數石又

錄異云如竹紫黑色有文理而堅工人解之以製
博奕局

杉類松幹直而葉附枝生

冬青一名女貞子俗稱蠟樹各州縣有之

黑木即烏木融縣出

胭脂木各州縣出木堅緻色似胭脂本草綱目云
種有四而此則開花似蓼者

無患木俗名苦珠子可去垢兼愈箭瘡

茶油樹懷遠融縣出者多

槁木以之蓋屋易生蛀

禾木隔歲即長如椽土人取以為薪融縣出

梨木可刻書板懷遠出

桐油子樹類梧桐而不甚高大三月開花色勻瓣
上界一紅絲子如核桃七八月取其子作油為用
甚廣

樗不材木也可以為薪

花屬

梅花冬末即放形差小香氣不及中州

柳州府志

卷之十二

物產

十五

蠟梅色如蜜蠟而香氣極韻州縣中亦不多觀

綠萼梅色微綠結實甚鬆脆

桃花有正月即開者若時候稍寒亦遲至二月又

碧桃千葉花開並不結實

夾竹桃木本葉類竹花似桃而差大

李花正二月間放色白實有甜澁二種

梨花色淡白李太白詩云梨花白雪香

榴花有紅白二種四時開花不絕亦有千葉者春
花夏盛

牡丹柳城出

荷未開為齒蓓已放為芙渠花開僅十八瓣有紅白二種其千葉及並頭者則曰蓮

郁李即唐棣花粉紅色而差小子如櫻桃可食

桂有丹黃二種俱八月開又月桂懷遠出署中一株圍可合抱四季有花其香滿縣

紫金以其色稱之

朱槿一名佛桑有紅白紫黃數色純白者名舜英其紅者又名裏梅花嶺表錄異云高祇四五尺枝

柳州府志

卷之十二

物產

十六

葉婆娑自二月開花至於冬中其花深紅五出如大蜀葵有藥一條長於花葉上綴金屑日光所爍疑有燄生一叢之上日開數百朵

梔子花形似小蓮花色純白瓣極厚而香甚佳

茉莉色白花小而香淡有千葉者紫色者又有西番茉莉花瓣大如梔子近心黃色香氣烈而不幽玫瑰色紫莖多刺以之浸酒佳

杜鵑即映山紅一名山躑躅

芙蓉俗稱木蓮花秋時開花有紅白二種又有開

時其色數易早白午淺紅暮深紅謂之醉芙蓉千葉者尤佳

山茶自粵東移來有大紅粉紅純白各種寶珠為佳

薔薇格物論云一名牛勒又名荼縻藤長身莖青多刺其花或白或紫或黃連春接夏清馥可人又花可蒸露

月月紅有大紅粉紅二種又名錦堂春

金鳳一名鳳仙有紅白紫數種婦女採紅花入白

柳州府志

卷之十二

物產

十七

礬少許搗以染指甲

十姊妹粉紅色其藥叢生一蓓七花者名七姊妹十花者名十姊妹

秋海棠花無香而色甚嬌媚粵中所稱者多此若西府垂絲不可多得

綉毬花白四出數十朵攢簇成毬

素馨藤本叢生花白如粟又有黃素馨而香不及賽雪俗名狗牙

辛夷花木高數尺葉似柿而長初出如筆又名木

筆正二月開花落不結子夏秋再著花紫苞紅焰
蕙黃山谷云一幹一花而香有餘者曰蘭一幹數
花而香不足者曰蕙
玉蘭色白取花和粉作餅極清香
風蘭即吊蘭州縣俱出
珍珠蘭又名鷄爪蘭一穗十餘纒如魚子穉黃纖
白花極香而根有毒
蘭各州縣出而懷遠有名山蘭葉長二尺餘一幹
花發十餘朶香氣甚淡

鷄冠有紅紫黃及五色者

菊其品甚多遯齋閒話云南方發花較北地常先
惟菊則應秋而萼以性宜冷也處於邊而不改其
常者其惟菊與

雁來紅莖葉穗子並與鷄冠同九月鮮紅望之如
花亦有六月葉紅者名十樣錦又名老少年徐竹
隱詩云葉從秋後變色向晚來紅

蝴蝶花紫色形似蝴蝶

剪春羅瓣如碎剪又有剪秋羅色尤深紅可愛

金錢花圓如錢而色紅至夜則落又稱夜落金錢
葵其種不一或白或紅或紫黃色葉相類者名蜀
葵花之小者名錦葵

玉簪葉類茨菰而大其花含苞時纖長潔白儼似
玉簪大放則有清香

胭脂紫色結子黑而實白可作粉

水仙楊誠齋云世以水仙為金盞銀毫蓋花之單
瓣者馬平出

萱花色微黃一名忘憂草又名宜男婦人懷妊佩

之生男

觀音蓮又名觀音蕉葉似芭蕉中心發紅芽初出
如卷旗漸分大瓣如蓮而叢攢不甚放色鮮艷奪
目可歷數月

美人蕉初生似玉簪葉後漸似蕉葉而小花似山
丹而紅次第開放四時不絕

鬱金香羅城出按本草綱目生大秦國二三月有
花狀如紅藍四五月採花即香也

天竹花白夏開至冬結實紅似珊瑚一株或數十

穎不等

夜來香蔓生花澹綠日暮則開

夜合香粉紅色其葉朝舒暮斂人以手爪搔其樹

則通體俱動俗名怕癢樹

虎刺植作盆景可治疹痘

草屬

不死草按廣輿志云即苴草馬平出高一二丈狀如茅食之令人益壽夏月置盤筵中蚊蠅不敢近亦不速朽今羅城志亦載焉則不獨馬平出也或

柳州府志

卷之十二

物產

二十

云即長命草明桑悅有詩南寧府志云長命草一名龍牙其根有刺葉圓而厚花黃而久斷其枝經年不枯然詢之士人頗多不識意者南方少雪草自不死非別有靈異也抑其服食之法世不得而傳與

仙人掌草味微苦澁無毒貼石壁而生如人掌與甘草浸酒服可治腸痔瀉血

書帶草如薤葉長尺餘本出鄭康成教授山下今懷遠亦有之

猗蘭草懷遠出

虎耳一名石荷葉一莖一葉如荷蓋狀

鳳尾草形如鳳尾

薜荔傍牆壁而生又名爬山虎

菖蒲一名菖歎生池沼間其根盤曲有節比如馬鞭一寸而九節者佳居人於五月五日和雄黃浸酒服之

髮草其細如髮長尺餘

萍按月令季春之月萍始生有青紫二種葉皆對

柳州府志 卷之十二 物產

二十一

生根長二寸許

鶯腸草青莖細葉長尺許

紫草蔓生花微紅結實而紫

毒草

胡蔓草一名治葛生山溪間葉似茶而尾尖每日昇東而此草向東日返西而此草向西土人取而噉之隨飲溪水須臾毒發心腹腫痛面青腸斷立斃若未噉水尚可解救方用人糞汁灌下吐出此草無患再殺鷄雛生搗漿水乘熱灌之可活俗混

作斷腸草誤

斷腸草一名苦蔓藤形似黃精食之斷腸而死即周禮所謂地慝是也其花姣好如芙蓉太白云昔作芙蓉花今為斷腸草羊食此草而肥中其毒者用羊血灌之或以伏卵未生雛者細研用香油灌之或以糞水及蚘蛇膽灌之或用狗屎調水灌下令吐出亦愈俗又有黃藤莽藥等名

菌毒朝野僉載云嶺南風俗多為毒藥令老奴食治葛死埋之土推上生菌正當腹上者食之立死

柳州府志

卷之十二

物產

二十二

生手足額上者當日死旁自外者數日死漸遠者或一月兩月全遠者或二年三年無得活者

杭藥出深山中鳥不敢棲其上按赤雅形似獨窠蒜土人就其生處採煎忌雞犬聲用蘸弩矢試之法以鍼刺臂血仍用拇指緊按刺孔令人蘸粟許趕血血縮倒回者方可用不先按其刺孔血縮入肉其人立死如不縮者雞犬聲敗之也

蛇毒草按虞衡志蠻人製箭取其汁濡之中者立死

醉葡萄即悶陀羅子生刺如雞卵各州縣出人食之顛悶軟弱急用水噴面即解土人呼為顛茄毛屬

馬馬平柳城雜容俱出又山馬羅城出

牛有黃牛水牛二種

羊味頗不羶又山羊羅城柳城出

犬土人恒喜食之虎食即醉

豕花白色耳頗小

貓居民間有畜者而野貓頗多倉貓尤肥巨

□獐羅城出

獐各州縣有之

虎狀如貓而大如黃牛能跳躍鈎爪鋸牙舌大如掌生倒刺鬚硬尖而光夜視一目放光一目看物獵人潛而射之光墮於地聲如雷吼百獸震恐融縣人遇有虎亡者延巫師懺度巫師利其貲詭稱神虎人不敢捕為害益甚
狼似犬性善顧而貪銳頭白頰其鳴能小能大膏可煎皮可裘糞可作烽火其烟遇風不散

豺狼屬犬足長尾身黃頰白

獺形似小犬水居食魚

豹毛黃而文黑如錢而中空性忌虎見之則鬪跳躍便捷虎甚畏之

狐古寺冷院恒有之

野猪類家豬而腹小脚長牙利善嚙人

猴羅城出

鹿性善驚牡者有角遇人輒奔避涎出則不能急走矣

柳州府志 卷之十二 物產

二十四

麀鹿屬

麀似麀而小其皮可履

麝食柏而香

鼠前足四爪象陰後足五爪象陽故十二生肖首取之善緣墻壁肥者腹垂地小者如果核稍長最機警俗云胡椒鼠又鼠婦名伊威

竹鼠即竹鼯形似鼠大於貓而身微短善穿穴性嗜竹

松鼠生山中大樹上似鼠而毛硬尾尤巨上下甚

捷

鹽鼠鼠竊鹽食者即生翼宿簷棟間又名鹽鼠一名蝙蝠其矢為夜明砂

羽屬

鷄以絲毛烏骨者為佳

鵝多灰色少純白者善鬪好啖蛇

鴨其卵用鷄抱者名木鴨重可四五斤又有火炙鴨以稻用火焙熱日須三次將卵裹入稻中一月即生重不過二斤餘又洋鴨紅喙翠掌白洞馬平

柳州府志

卷之十二

物產

二十五

人家有畜之者亦不多見又小而能飛者為水鴨又野鴨為鳧

雉有五種青質五色曰鷄雉長尾走且鳴曰雄雉黃色自呼曰鳴雉似山鷄而小冠曰鷺雉五色備成章曰翬雉

鷹有二種攫食鷄鳥者曰崖鷹頸白身赤而捕魚者曰魚鷹

鷓較鷹差小善捕魚雀

鴉一名烏有小而多群腹下白者名鴉烏反哺其

母者名慈烏又一種大喙白頸謂之鬼雀人惡其鳴

鵲說文云鵲知太歲之所在俯鳴則陰仰鳴則晴又俱迎風而鳴人聞其聲以為報喜

鷓鴣皇華紀聞云鷓鴣入網羅輒死不可為籠笈之玩粵人取充庖俎其肉化痰以鷓鴣專食半夏故也又服藥勿食鷓鴣力可解藥亦能解毒

鷓鴣色純黑金眼穴居一名寒臯斷舌能效人言又名八哥雒容出

燕一名元鳥以二月社日來八月歸

麻雀性喜噪常依人以簷瓦為巢又有倉雀專食倉米

鶯即黃鸝柳子厚有聞黃鸝詩

子規一名海南鳥三四月間鳴其聲哀切

百舌即反舌也春轉夏止

鳩按左傳鳩種有五柳郡所產乃鳴鳩斑鳩也

啄木有大有小有褐有斑褐者是雌斑者是雄剛爪利嘴舌長寸許有刺針穿木食

鷓鴣善鬪毛羽花色雄者頭有白圈
山鷓色青紫鐵脚赤眼者善鬪臆毛帶黑色圓小
而長者善鳴
畫眉色黃而眉白以鳴聲相鬪不鳴則輸
提壺識時鳥也田家聞之以勸農事
白鷓形類雉白質黑章嘴距純丹
練雀似白鷓而尾藍尾尖長尺許
秋風鳥一名水花鳥以白酒釀漬之味如黃雀而
形差小

鵲鴿一名雛渠飛則鳴行則搖不少自止
鷺鷥羽毛白而潔喙長三寸項上有毛十數莖頸
細而長青脚高尺餘尾短林棲朝出捕鮮魚而食
夜歸宿其處
鷗數百為羣多在江海中色潔白杜詩云白鷗沒
浩蕩萬里誰能訓
呱能知天時諺云朝呱耽耽夜呱晴乾
鴉惡鳥攫鳥子而食之
鴿黑色多種唐明皇呼為飛奴

翡翠異物志云形似燕翡翠赤而翠青其羽可為飾
翠為六翮毛長寸餘青茸先高作巢以避患及生
子愛之恐墜稍下其巢子長毛羽復益愛之又更
下其巢而人遂得取之爾雅云翠鷁也
鷁鷁不卵而孕雛於澤間口吐而生善捕魚
蟲屬

蝴蝶大小不等色亦各殊

螳螂捕蟬而食踞葉背以自蔽

蟬淮南子云蟬無口而鳴飲而不食又名蜩詩鳴

柳州府志

卷之十二

物產

二十八

蜩嘒嘒稽聖賦芩根為蟬援神□云蟬無力故不
食又蟬聲為遮子

蛩一名促織二三月間即有之

蜻蜓將雨則集水面欵飛

螽斯蝗屬一生九十九了

蟋蟀春深即鳴

螢羅城懷遠正月間即有之

蠅虎小而善躍捕蠅食之

蜂毒在尾垂穎如針又細腰蜂名蠓螿

蠅爾雅曰蠅醜屬也青蠅亂色蒼蠅亂聲
蚊正月間即有之
蟻螂一名蟻蝓能持糞土為丸
蜘蛛能結網捕蟲食之大蠨蛸小蜘蛛也又一種
長腳為嬉子
蜉蝣一名渠畧似蝓蟻身狹而長角黃黑色朝生
暮死不能久存每於燈下飛至頃刻則斃
蟻小者與他處同間有白蟻大如米潛集無數竹
木衣物無一不噬生翅則叢飛而出名曰蠹

蝦蟆一名癩蝦蟆

蛤蚧有雌雄可為藥

蚯蚓其物引而後伸一名曲蟺江東謂之歌女淮南子云孟夏之月陰氣動於下則蚓應之而出今
正月中遇雨即有之

蝮蜥褐色如蛇而四足有尾蝮伏壁間一名守宮
又有尾通於身而黑色綠色不等常居草間者曰
蜥蜴

蛙似蝦蟆而小脚長背青色者曰青蛙又名田鷄

壁蟾有大如石蠃者身厚股長行壁間響聲動人
螟蛉桑上小青虫

螺羸土蜂

蠓小飛蟲生朽壤之上因雨而生覩陽而死

蛀黑喙白身如蚕長餘旁有肉翅嚙木則磔磔有
聲

鱗屬

鯉魚脊中鱗一道數至尾無大小皆三十六鱗乃
魚之貴者又呼為赤禪公

柳州府志

卷之十二

物產

三十

鯽魚似鯉陸佃云此魚旅行吹沫如星以相即謂
之鯽以相附又謂之鮒一種形微圓名荷包鯽產
溪河中者名石鯽

鰻魚俗作鰻即魴魚也

草魚即鱮魚

青魚其膽性涼味苦主療火眼其枕骨刮磨光潔
老人用以拭目

鯪魚各州縣出按異物志云南方魚多不肥惟鯪
魚味美大者長三尺宜作膾

鯪魚似魴厚而頭大又名鱣

巖魚頭似鈎魚鱗色微黑味亦佳

帥魚

捍魚即黃鰭魚頭銳身橫有大至二三十斤者

斑魚無鱗而腹極大有花紋俗名斑華

鈎魚出柳江鱗脊文理皆似鯉狀而首獨異上唇

三寸許曲如鈎白如玉又名鰕魚

鰱魚即比目魚

竹魚形似青魚而鱗大虞衡志云鰕魚竹魚皆出

柳州府志 卷之十二 物產

三十一

灘水南方所珍

鱔魚有黃白二種又有火鱔晚間以火照之首輒
昂起寸許食之殺人

鰻魚無鱗甲腹白而大青色有雄無雌以影漫鱧
而生子故名

香草魚出象州香草江中以江岸皆香草魚食之
味美

金魚畜之可玩

文魚亦玩物

荷葉魚形如荷葉

蜃魚有烏鮠鮠腹背皆黑能食魚又有身體圓長有點作七星之象夜則仰首北拱名曰鱧道家忌食之

骨魚頭扁脊高食時先以開水洗去其脂則佳

塘角魚黑而小

鮎魚偃額兩目上陳頭大尾小身滑無鱗

鰕魚巨口細鱗遇秋而肥凡牛羊之屬有肚故能嚼魚無肚不嚼鰕獨有肚能嚼

柳州府志

卷之十二

物產

三十二

鰕魚似鱧無鱗穴於泥中

白條魚形狹而長若條性浮色白

武陽魚俗呼為武陽小魚大如針有味

鱸魚懷遠出松江之鱸有四腮此則兩腮

介屬

龜爾雅有十龜今所出者惟山龜水龜二種

鱉能涼血補陰形如馬蹄者佳

蝦善游好躍常與水母游水母不能動蝦附之則所往如意

螺性大寒多產於泥中

蚌蛤屬

穿山甲即鯪鯉可入藥

蛤蜊羅城出又小蛤為蜆

毒物

蛇其類甚多性毒

兩頭蛇時有見者細如小指長尺許腹下鮮紅背錯文錦一頭有口目一頭似有口目兩頭俱能進退

柳州府志

卷之十二

物產

三十三

蝮蛇一名虺大者長七八尺螫人手足須割去其肉否則死

蜈蚣有長尺許者

班蝥秋食豆花羽似玳瑁

毒蜂西陽雜俎云嶺南有毒菌夜明經雨而腐化為巨蜂黑色喙若鋸長三分餘夜入人耳鼻中斷人心繫

四脚蛇

鷄冠蛇

報冤蛇按朝野僉載云嶺南有報冤蛇人觸之即三五里隨身而至若殺其一則諸蛇皆集惟取蜈蚣佩之乃免

鳩黑身赤目頸長尺八寸毛羽則紫綠色雄曰運日雌曰陰諧以其毛瀝飲食則殺人

蜮短狐似螫三足以氣□人柳子厚云射工沙虱含怒竊發中人形影動成瘡疔居水中以氣射人者名射工居水旁山林間含沙射人者名沙虱山豬生山麓中方輿勝覽云即豪豬身有毫如箭

柳州府志

卷之十二

物產

三十四

能振發以禦人二三百為羣以害禾稼俗呼箭豬天蛇如筋而扁長三四尺黃赤色生幽陰之地雨後則出粵人深畏之澆之以醋則消或以石灰糝之亦死遭其螫腹為露水所濡則遍身潰爛惟以秦皮煮汁一斗恣飲可無患

藥屬

南星苗似荷梗花似蛇頭跟似芋而圓可治風痰白術柳子厚種術詩云守閒事服餌採術東山阿半夏一莖三葉開紅花最臭五月採則虛小八月

採則實大遇五絕之病用半夏末吹入鼻中即活
天冬甘苦大寒清金降火
麥冬甘微苦寒肥大者良去心用
黃精俗名山生薑久服不饑
百部根多成百故名燒之殺虫一切樹木蛀觸煙
即死
百合清心潤肺且可作粉象州出按百合粉象州
與全州同產而全州近以八十里山之野百合充
之其潔白則同而熟時帶青色殊少功效

柳州府志

卷之十二

物產

三十五

何首烏有赤白二種夜則藤交有陰陽交合之象
性溫益氣久服烏鬚髮

細辛能通精氣不可過用多則反至悶絕而死

香附一名莎草根

馬鞭草類蒿而細根白而小夏秋開紫花穗如車
前

薄荷方莖中虛辛香通竅

草菓形如訶子皮黑厚而稜密子粗而辛臭取仁
用

旱蓮草花如旋覆實似蓮房斷之有汁須臾而黑
皂角大小二種如刀豆者佳

車前子即芡苳隨地有之昔歐陽文忠公患暴下
國醫不能愈夫人云市有藥三文一貼甚效公不
肯服夫人雜他藥進之一服而愈乃車前子為末
米飲下二錢也

草決明一名青箱子類鷄冠而穗尖長

五加皮一名文章草五葉者良出柳城雒容按煮
石經云金鹽母可以得長壽金鹽即五加也

柳州府志

卷之十二

物產

三十六

木賊草中空而輕治目翳

葶藶子柳城都司署中有一株已成木本高六七
尺

蒼耳子一名葇耳可作蔬采根葉熬膏治瘡疥

地榆似樹根外黑裡紅

地膚葉高莖赤以作浴湯去皮膚風濕

金銀花治一切惡毒初起便服竒效

石斛光澤如金釵口短而中實生石上者良名金
釵石斛長而虛者名木斛

山豆根苗蔓如豆經冬月不凋
茵陳蒿類經冬不死更因舊苗而生故名杜詩云
茵陳春藕香
香薷夏月發汗之藥其性溫熱只宜中暑之人中
熱者忌用
白芨花白色五瓣瓣中有苞白質紫點內吐黃鬚
極可玩王阮亭行蜀中絕句云西風盡日濛濛雨
開遍空山白芨花以為未經前人道及今粵西處
處有之惜無過而問者

夏枯草冬至生夏至枯故名

骨碎補根似薑而扁長去毛用能破血止血

紫蘓各州縣出

五椏子懷遠縣出

澤蘭一名水香又名都梁香

枸杞子樹高數尺子多核根為地骨皮葉為天精
草

金毛狗藤本生石隙團結昂起如狗身分幹植立
如狗足身有絨毛金色可治金刃傷

瓜萋即栝樓仁實圓長如熟柿子扁多脂根為天花粉

楮實濟生秘覽云用以煎湯治骨硬又楮汁和白芨飛麵調糊接紙永不脫

仙茅葉如茅而潤根如小指黃白多涎

黃連以鷹爪連珠者為良

益母草根莖花實皆可用小暑端午前採之

薏苡仁土人種以代糧融縣出者佳

接骨草即土牛膝又名四季花莖綠而圓葉長而

柳州府志 卷之十二 物產

三十八

尖跌傷骨節搗爛敷之立效

猪腰子一名木腰子出馬平羅城按本草綱目云蔓生莢內子若猪腎狀長三四寸色紫而肉厚能解諸毒又魚食之則死

木蝴蝶馬平三都出俗名千張紙其形似山皂莢而長剖之紙瓢片片飛出如蛺蝶然土人云焚其瓢照小兒面可以發痘

雜物屬

錫 鉛 銅 鐵 硝以上五項凡山巖深處俱

有之但有而不多難於開採

爐甘石融縣八寶山出爐火所熏其味甘故名按本草綱目乃金銀之苗也其塊大小不一狀似羊腦鬆如石脂亦粘古產於金坑者其色微黃為上產於銀坑者其色白或帶青或帶綠或粉紅不入藥

零陵香懷遠猺山出葉如杜若紅白相間以之作簞可辟臭虫

石鍾乳范成大云凡石脈湧處乳狀融結下垂其

柳州府志

卷之十二

物產

三十九

端輕薄中空如鵝管水乳且滴且結以竹管仰承之乃最精者

葛布

綿布

蔴布

棉花每歲三月種七月收至九月止

苧蔴山田俱宜種之故陳堯叟有勸植苧蔴代桑棗議

皮布懷遠出

絨花被柳城出

獐錦各州縣出獐人愛彩凡衣裙巾被之屬莫不取五色絨雜以織布為花鳥狀遠觀頗工巧炫麗近視則覺粗糲獐人貴之

漆來賓出

紙羅城出

蠟各州縣出有黃白二種

花椒尖葉叢生結子最蕃

茴香有大小二種大茴辛熱小茴辛平食料宜之

柳州府志 卷之十二 物產

四十

靛即藍草各州縣出

蜜各州縣出

茶各州縣出其根只有一條故行聘者取之竹枝詞云茶樹一根直到底嫁郎難得一條心

酒懷遠出者佳

豆豉馬平出離城三里有豆豉村以馬料豆用村

前江水浸之甑蒸熟入藥上品

烟融縣出

柳州府志卷之十二終